



“
Medisina
ekstremo ta
hopi apropiá pa
enfermedatnan
ekstremo..
BONERIANO

EDITOR:
Bonaire Communication Services N.V.

Djabièrnè 15 Mart 2024

Preis: \$1.25

POLIS DEMOTIVÁ

Dia Internashonal di nir



Ayera 14 di mart, Fundashon Mariadal, den kuadro di dia internashonal di Nir, a organisá un aktivitat na entrada di hospital. Tur aña departamento di Diálisis ta selebrá e Dia Internashonal di Nir, e aña aki no tabata un eksepsion. Na e okashon, nan a ofresé un oportunidat ekselente, pa siña mas tokante salú di nir i malesa di nir.



2| Trabounan na Salon di Testigu di Yehova

KRALENDIJK- Por nota trabounan di mantenshon na Salon Di Reino Di Testigunan Di Yehova na Kaya Korona. Tur dia ta traha riba e edifisio. E potrètnan ta duna un impreshon.



Pronóstiko di tempu pa Boneiru

Djaweps 14 te Djabièrnè 15 Mart 2024
Parsialmente nublá i seku

Ta parsialmente nublá i seku. E temperatura máksimo lo ta aproksimadamente 32°C, e temperatura mínimo mas o ménos 27°C. Bientu for di direkshon ost ta moderá te basta fuerte, forsa 4-5.

Altura di ola: 2.0-2.5 m (6-8 pia)

* Altura di ola válido pa laman grandi

Djabièrnè 15 Mart 2024



Ku un kurason gradisido i humilde, konforme Dios su boluntad, nos ta partisipá fayerimentu di

Reginald Raymond Sambo

mihó konosí komo 'Remo'

*31-08-1950 +13-3-2024



Na nòmber di su kasá:

Ligia Sambo-Martijn

Yunan:

+ Faisel Sambo

Fitzgerald Sambo

Regiline Sambo

Raylison Sambo i pareha Darshana Soebedar

Nietunan;

Helery Sambo, pareha Melissa Mardjoeki i yunan, Haisel Sambo, pareha Rooshelly

Dania i yunan, Farahienne Sambo-Beaumont, kasá Quincy Beaumont i yu i Faysel Winklaar

Fabien Thodé, pareha i yu, Franjeally Sambo i yunan, Fransella Sambo, pareha Shandrison Alexander i yunan, Frederick Sambo, Fiona Sambo i Thayizah Sambo

Faliya Sambo, Naeymi Sambo, Keziah Sambo i Ellyze de Lima

Delaisha Soebedar, Ryan Soebedar i Ray-sean Soebedar

Rumannan:

Carlos Sambo

Royston Sambo

Norwin Sambo i kasá Esmeralda Sambo

Shareen Sambo-Obiana i kasá Edsel Obiana

Carmine Sambo

Francis Sambo i kasá Floortje Sambo

Subrino-subrina nan na Kòrsou i Europa

Jennifer Jonge i famia, Jefferson Jonge i famia i Summeray Sambo, Francella Clemencia i yu nan i Guillaaurina Jansen i

famia, Surdey Sambo i famia i Eugène Sambo i famia Gilmar Eidsen i famia i Hyfa Williams i yu, Yaienne Keller i

yunan, Marlon Wieske i famia i Estafan Sambo i yunan Royston Sambo i famia, Farley Ursula i famia, Aina Luckert i

famia i Francella, Ugenia i famia, Donavan Sambo i Daniel Sambo

Primu-primanan na Kòrsou, Boneiru i Europa

Alvin, Rene, Elton i Marelva Clemencia, Oswin Sambo i

rumannan, Robert Sambo i rumannan, Ify Meulens i

rumannan, Mayra Hato i rumannan, Erwin Sambo i

rumannan, Robert Iparagiri i rumannan, Edsel Sambo i

rumannan, Maurine Everts i famia

Suegra:

Edna Martijn-Emerenciana

Su suá-amigu:

Guillaume Clemencia i su rumannan.

Demas famia:

Sambo, Meulens, Clemencia, Mambre, De Jesus, Everts, Iparagiri, Lesiere, Becker, Ferero, Ortega, Martijn, Libiee, Margarita, Serberie, de Lima, Soebedar i Quirindongo

Amigu i konosínan:

Bernabela, Dorothea, i su bon bisiñanan i amigunan di Boneiru (Nikiboko i Tera Kòrá) i Kòrsou (Dòmi i Mundu nobo).

Si den nos tristesa nos por a lubidá un miembro di famia òf konosí, nos diskulpa pa esaki,

Despedida na Boneiru ta tuma lugá djaluna 18 di mart.

Ta risibí bishita di kondolensia na Consuelo Memorial Bonaire, di 12'or pa 2'or di mèrdia.

Entiero ta tuma lugá na Kòrsou, djárasen 20 di mart , saliendo for di Agencia Funeraria El Señorial pa Santana di Roodeweg. Ta risibí bishita di kondolensia for di 1'or

te ku 3'or di atardi.

Famia ta partisipá ku lo no risibi bishita di kondolensia ni promé ni despues di entiero na kas.

Si ta deseá pa manda flor i krans, famia ta pidi pa manda esakinan na Agencia Funeraria El Señorial na Kòrsou.

INVITASHON

Famia ta invitá bo na e siguiente santo sakrifisyonan di misa pa deskanso di alma di defuntunan

Juliana Pascalia Goeloe

mihó konosí komo Jana

*21-06-1926 - +02-03-2024

i

Leonardo Jacinto Janga

mihó konosí komo Haime

*06-11-1948 - +26-02-2024



Djasabra, 16 di mart 2024 na parokia San Bernardo

na Playa pa 7'or di anochi

Djadumingu, 17 di mart 2024 na parokia San Luis

Beltran na Rincon pa 10'or di mainta

Aseptá e anunsio aki komo un invitashon personal

POLIS DEMOTIVÁ

KRALENDIJK - Segun informashon ku BONERIANO ta disponé di dje, ta reina un esfera bastante demotivante den Kuerpo Polisial Hulanda Karibense (KPCN). Un kantidat grandi di polis ta sinti falta di sosten adekuá di parti mando di KPCN i esaki tin efekto riba e kuerpo kompleto. “E moral den kuerpo ta hopi abou. Agentenan ta demotivá”, nos fuente ta divulgá. Últimamente Kuerpo Polisial Hulanda Karibense(KPCN) ta bin hopi den publisidat, den un lus negativo. Nos

fuate ta splika ku tur esaki ta afektá e polis. “Ta di lamentá ku niun hende ta para ketu na e orígen di tur e problemanan aki. Ta e manera ku esnan ariba ta atendé ku e polis”, e ta bisa.

Segun nos fuente den kuerpo kasi no tin protokòl òf maneho konkreto i spesífiko pa atendé niun asunto. “Bo por a mira esaki ku e situashon di arma último. No tin niun maneho i direpente ta kore bin ku algu pa plakia kos”, e ta bisa.

Despues ku nos

fuate a bati alarma tokante e situashon aki, BONERIANO a hasi investigashon i a papia ku mas agente. Remarkabel ta ku kada un di nan ta suprayá ku tin un esfera demotivante. “Bo ta keda sirbi pueblo pasombra bo stima bo trabou, pero parse ku mando mes no tin wowo pa bo esfuerso”, otro fuente ta splika.

Ta trese dilanti ku departamento di Rekurso Humano no ta funshoná adekuá. “No tin un prosedura klaro pa atendé ku e personal. Un polis ku kaba di kuminsá ta risibí

mesun salario ku un ku tin añanan den servisio. Kon por ta?”

Nos fuente ta bisa ku no tin un protokòl di sanshon den kual kada empleado por ta na haltura di e proseso na momento e faya ku algu. “Ta hopi eks polis a hiba KPCN dilanti pa retiro no hustifiká. Bo no ta kere tur esaki tin influensia riba e demas polis?”, segun nos fuente.

E ta splika ku sindikato di polis ta na altura di e situashon. Tambe ku e sindikato na vários okashon a bai mesa ku KPCN riba e tópikonan aki. “Mando ta keda hasi loke nan ke, no opstante kiko sindikato bisa”, segun nos fuente.

BONERIANO a aserká KPCN ku preguntanan tokante e situashon preokupante aki. Sinembargo mando di KPCN ta ninga na amplia tokante esaki. “E preguntanan menshoná ta trata di asuntunan interno ku mester atendé interno,

p’esei nos no ta komuniká tokante esakinan”, ta e reakshon.

Nos fuente ta trese dilanti ku ta hiba un maneho no strukturá den e kuerpo. Esaki ta pone ku no tin un kultura ku por papia habrí ku otro. “Hopi bia ta manda bo bai papia ku esun ku hustamente bo tin problema kuné.”

No opstante esaki, KPCN ke enfatisá ku tim di maneho di Kuerpo (KMT) semper ta habrí pa feedback i kritiká konstruktivo.

“Nos ta enkurashá tur trahadó pa bai den kombersashon ku nan hefenan pa ekspresá eventual preokupashonnan pa asina huntu nos por yega na solushonnan konstruktivo”, segun reakshon di KPCN.

BONERIANO a tuma kontakto ku Nasionaal Algemene Politie Bond (NAPB) pero te ku publikashon di nos artíkulo nos no a risibí un reakshon.

Plannan pa gobièrnu interino ainda no ta na bista

KRALENDIJK/HAITI – E plannan pa nombra un promé minister interino na Haiti, ainda no ta na bista. Vários partido polítiko a rechasá e plan di e organisashon di koperashon Karibense, Caricom.

Djamars Promé Minister Ariel Henry a entregá su renunsia komo hefe di Gobièrnu di e pais, despues di konsultá ku lidernan di e paisnan Karibense i Sekretario di Estado Merikano, Blinken. E paisnan a yega na un akuerdo pa tene elekshon nobo na Haiti. Te na e momento ei, un konseho di transishon den e pais mester garantia ku un promé minister interino u ministernan lo keda nombrá rápidamente.

Sinembargo, vários polítiko prominente di Haiti a nenga di partisipá den e konseho di transishon. Den un konferensia di prensa, eks senador i kandidato presidencial, Jean Charles

Moïse, a ekspresá su disgustu pa e plan. Su aliado, eks lider rebelde, Guy Philippe, tampoko a bisa nada den e proposishon.

Philippe resientemente a keda liberá di un prizòn Merikano despues di a keda kondená pa labamentu di plaka. Binti aña pasá el a liderá un lantamentu eksitoso kontra e presidente di e tempu ei, Jean-Bertrand Aristide. Den un video, Philippe a bisa ku ningun Haitiano mester aseptá un propuesta di komunidad internashonal. E tabata

insistí pa sali kaya.

“E desishon di Caricom no ta nos desishon. Haitiano lo disidí ken lo goberná Haiti,” Philippe a bisa. Huntu ku Moïse, e ta boga pa un Hues di Korte Supremo temporalmente, asumí poder. E eks Promé Minister, Henry, ainda ta na Puerto Rico. Banda poderoso ku ta buska pa derotá nan Gobièrnu a tuma kontròl di Aeropuerto Internashonal di Haiti i tambe di gran parti di e kapital Port-au-Prince.





ta partisipá fayerimentu di
sr. Johannes Marciano Trinidad
tata di nos kompañero, miembro
di direktiva di ABVO-Boneiru,
Joanny Sint Jago-Trinidad

Forsa na famia i ku Johannes sosegá na pas...

Akto di entierro ta tuma djasabra 16 mart.

BONERIANO
Gazeta Komunitaria Servisio K.V. Djaweps 11 mei 2023 | Preis: \$1.25

AMTENAR NO TIN RESTRIKSHON

PA MANIFESTA
Pa aviso i komunikado den
Extra/BONERIANO
Redakshon:
extrabon@gmail.com
Aviso:
avisobon@gmail.com

Pa mas informashon por yama nos
libramente na 717-8482

BONERIANO e korant mas lesá aki na Boneiru!

Entre Saba i Arjen de Wolff

BZK no ta enbolbí den konflikto finansiero

KRALENDIJK – E ministerio di BZK, tampoko Representante di Reino interino, no tabata enbolbí den e hürmentu dor di Konseho Insular di Saba di Arjen de Wolff i tampoko serka e desaroyonan di e konflikto ku a originá entre ámbos.

Na 2022, riba petishon di Saba, de Wolff a haña e petishon pa yuda e griffier di e isla. “BZK a tuma konosementu di e echo ku de Wolff na 2022 pa algun tempu tabata traha komo ZZP pa Konseho Insular di Saba, pero no tabata enbolbí na e eskoho, pasobra esaki ta un propio asunto di

Konseho Insular di Saba. No a presentá ningun desishon personal, òf akuerdo di tarea di e representante di Reino interino. Esaki pues tampoko tabatin ningun ròl,” segun e ministerio.

Komo ku e trabou i e kalidat di de Wolff a laga di deseá i no tabatin perspektiva riba mehorashon, Konseho Insular di Saba a disidí pa finalisá e koperashon promé ku tempu. De Wolff a nenga pa paga bèk e kompensashon ku ya el a risibí dor di kua no a entregá trabou. BZK solamente ta na altura informal di e finalisashon

di e koperashon, pero no tabata na altura di e petishon pa pago bèk di e trabounan no hasí. Mirando ku esaki ta propio desishon di Konseho Insular di Saba, BZK no a desaroyá ningun metementu.

E sosten di Konsehonan Insular ta sí un problema kaminda e ministerio tin atenshon pe. Asina riba petishon di e griffier di Saba, BZK a laga hasi un trayekto di sosten den koperashon ku e organisashon di alkalde i a pone un Griffier eksperensiá disponibel di sèptèmber 2023 pa febrüari 2024. Esaki tabata un proyekto piloto pa

reforsá e sosten. Durante e konferensia di trabou tokante WolBES i FinBES, a yega na akuerdo ku ta pone un programa di sosten entre BZK, e organisashon di trabou i e mandatarionan na Hulanda i Boneiru, Sint Eustatius i Saba. Di e manera akí ta keda invertí den e desaroyo mas aleu di e konsehonan insular i e kolegionan ehekutivo i e reforsamentu i sosten.

Riba e pregunta sí e kuestion na Saba ta motibu pa BZK duna e entidatnan públiko konseho mas aleu tokante kon mester atendé ku petishonnan di proveedornan di serviso pa paga e suma di enkargo den su totalidat delantá, e ministerio di kontestá: “Entidatnan Públiko mes ta outorisá pa determiná ki sorto di afsprak ta traha ku e proveedornan di serviso kuidadosamente. Esaki ta konta pa tur hende ku ta pone plaka públiko pa asuntunan públiko.

Despues di a dal Saba palu, apesar di sureputashon dudoso, Konseho Insular di Boneiru a apuntá de Wolff komo Griffier interino. E konsehonan insular di Boneiru, Sint Eustatius i Saba, di akuerdo ku artíkulo

130 di WolBES, mes ta responsabel pa apuntá e griffier. Un desishon pa apuntá e griffier, mester ta presentá pa aprobashon na e representante di Reino den liña ku artíkulo 135 di WolBES. E representante di Reino solamente por rechasá e aprobashon debí ku e ta impugna di e derecho di e reglanan ku ta stipulá dor di e konseho insular pa nombramentu, promoshon, suspenshon i retiru di e griffier insular i e ámtenarnan ku ta traha pa e griffier.

E tèst dor di Representante di Reino, pues ta relashoná ku un tèst hurídiko pa mira sí esaki ta kumpli ku regulashon i maneho. Konseho Insular mes ta keda dentro di kuadronan responsabel pa e eskoho den kontenido di un kandidato.

Resientemente Diputado Clark Abraham a pidi de Wolff pa bira konsehero di Kolegio Ehekutivo. Riba e pregunta sí BZK tin interrogante riba esaki, e pregunta ta: “E representante di Reino debí na privasidat no por duna komentario tokante riba desishonnan di personal ku ainda e no a risibí.”

A salba 251 mucha

Detenshon profeta outo proklamá

KRALENDIJK / ZIMBABWE -- Polis di Zimbabwe a arestá un hòmer ku a afirmá di ta e profeta di un sekta apostóliko. Den e propiedat unda e sekta tabata biba, a usa 251 komo man di obra barata. Tambe a haña diesseis graf anónimo.

Polis lokal a bisa den un komunikado di prensa ku e hòmer en kuestion, Ishmael Chokurongerwa, tabata liderá un kulto ku mas ku mil miembro. Nan tabata biba den un kunuku mas o ménos 34 kilometer nortwèst di e kapital, Harare. Segun e bosero, tabata utilisá e muchanan pa hasi diferente aktividat físiko na benefisio di e liderazgo di e sekta. Un total di 246 di e 251 menornan, no tabatin un sertifikado di nasementu.

Chokurongerwa, kende tabata yama su mes Profeta Ismael, a keda arestá huntu ku shete di su asistentenan pa aktividatnan kriminal, inkluyendo eksplotashon di menornan. E imágennan

di e razia ta musta e muchanan ta subi den un trùk di Polis ku ta warda nan.

E kreyentenan bisti na blanku i ku paña riba nan kabes, ta diskutí ku e ofisialnan riba nan regreso. No ta kla unda polis a hiba e muchanan akí finalmente. A hasi poko investigashon detayá riba e iglesianan apostóliko na Zimbabwe, pero e organisashon di derechonan di mucha, UNICEF, ta kalkulá ku e ta e movimentu religioso mas grandi na Zimbabwe, ku alrededor di 2.5 mion siguidó den un pais di 15 mion.



Algun grupo ta athirí na un doktrina ku ta rekerí ku nan siguidónan evitá edukashon formal di nan yunan, komo tambe medisina i kuido médiko.

Na lugá di esei, e miembronan mester buska kurashon dor di nan fe den orashon, awa santu i orashon.

Otro komunidatnan di Zimbabwe a permití nan miembronan bishitá hòspital i inskribí mucha na skol pa vários aña despues di kampaña intensivo di Gobièrnu i organisashonnan no gubernamental.



POLÍTICA

Putters ta konsehá Gabinete di programa

Un akuerdo konsiso riba liñanan prinsipal

KRALWENDIJK/DEN HAAG -- PVV, VVD, NSC i BBB, mester negoshá un Gabinete di programa den e siguiente periodo. E kuater partidonan mester konkluí un akuerdo konsiso riba liñanan general, ku ta kontené e metanan i kuadronan prinsipal di e maneho. Despues di esei, un tim di Minister i Sekretario di Estado, mester elaborá den un programa di gobièrnu kon por logra e metanan akí.

Esei ta e konseho di e informadó, Kim Putters. El a deskubrí ku un Gabinete

di mayoria ordinario, no ta posibel, meskos ku un Gabinete di minoria ku apoyo di toleransia.

Segun Putters, e gabinete di programa ta un forma di Gabinete ekstraparlamentario. Ta bon pa mitar di e ekipo final ta konsistí di personanan ku eksperensia polítiko i e otro mitar di personanan for djafó. Esei ta hasi hustisia na e resultado elektoral i tambe por generá mas konfiansa den sosiedat, e ta pensa.

“E tráfico entre Parlamento i e gabinete lo

ta diferente,” Putters a bisa den un splikashon. No ta un konklushon inevitabel ainda ku e kuater partidonan realmente ta proveé personal pa e gabinete. Esei lo keda kla despues.

Asta ken lo ta e promé minister awor, e kuater lidernan di frakshon den Tweede Kamer, mester determiná den un etapa posterior. Mientrastantu, Wilders, Yesilgöz, Omtzigt i van der Plas, lo hasi bon pa mantené nan ekspreshonnan den retnan sosial na un mínimo, segun e informe final di Putters.

Durante e kombersashonnan dirigí pa Putters, lidernan di partido a sigui ekspresá nan mes riba por ehèmpel X. Esei no a benefisiá e atmósfera mutuo.

Aunke Putters ta kere ku tin sufisiente konfiansa pa kuminsá papia di e contenido awor. “Ta ora pa uni forma i contenido. E ora ei nos por mira tambe sí e ta bai.”

Akuerdo detayá

Den kontesta riba e rapòrt final, NSC ta skirbi ku ta importante pa no krea un Gabinete nobo ku un akuerdo di koalishon seyá. Pero e informe mes ta mostra ku e partido di Pieter Omtzigt sí kier yega na akuerdonan firme riba algun kos. “E presidente di NSC ta positivo riba e akuerdo den liña general, pero e ke akuerdo detayá riba loke e ta konsiderá importante, spesialmente riba un kadena finansiero sólido,” e ta bisa.

E akuerdo di liña prinsipal tambe mester akudí kon e partinan lo koperá ku otro. Esaki ta inkluí por ehèmpel presentashon di moshon i kuido finansiero di e proposishonnan. E diferente partidonan di e kuaternan ku awor ta papia ku otro, tambe por ta envolví den e akuerdo aki.

E lider di VVD, Yesilgöz, ta skirbi den un e-mail na e miembronan ku su partido ta pronto pa

asumí responsabilidad. E akuerdo di liña prinsipal ta inkluí akuerdo di finansa, e posishon internashonal di Hulanda i e estado di derecho. E ta yama esaki e prinsipionan básiko di VVD.

CDA no ta ofresé mandatario

Algun otro partido den Tweede Kamer ta kontestá ku hopi ménos entusiasmo. E lider di CDA, Bontenbal, ta kontentu ku awor ta logra avansenan, pero ta mira e gabinete di programa komo un Gabinete di mayoria ordinario. Si e ta parse un patu, e ta djis un patu.

E ta rechasá firmemente e sugerensia ku miembronan di CDA por uni ku e gabinete akí. CDA lo no entregá ningun miembro di Gabinete na e gabinete akí.

GroenLinks-PvdA i Volt, ta enfoká nan flecha prinsipalmente riba VVD i NSC. Nan ta pasa dor di e pòmp. Goberná ku Wilders lo ta posibel, Timmermans, lider di GroenLinks-PvdA, ta bisa.

Segun Laurens Dassen di Volt, e término Gabinete di programa ta un truko di idioma pa normalisá PVV di derechi radikal.

Putters a entregá su rapòrt final na presidente di Tweede Kamer, Bosma. Djárasen awor Tweede Kamer lo diskutí esaki.

E ora ei tambe ta kla ken lo guia e siguiente fase komo informadó.

Wilders ta entregá posishon promé minister

KRALENDIJK/DEN HAAG -- E lidernan di partido PVV, VVD, NSC i BBB, ta dispuesto pa keda den Tweede Kamer sí bini un Gabinete nobo. Fuentenan di e partidonan ta bisa ku e kuaternan a akudí pa hasi esaki bou di direkshon di informadó Putters. Basá riba esei, awor nan lo papia mas.

Esaki ta nifiká ku e lider di e partido mas grandi i ganadó di e elekshon, Geert Wilders, lo no bira Promé Minister di un Gabinete nobo. Wilders mes ta konfirmá e notisia, segun e no tabatin sufisiente sosten pa e komo Promé Minister entre e otro partidonan.

Wilders: “Mi por bira Promé Minister solamente si tur partido den e koalishon apoyá esaki. Mi ke un Gabinete di derechista, ménos asilo i inmigrashon. Hulandes na unu. Amor pa mi pais i mi votadónan ta grandi i mas importante ku mi propio posishon. Mi ta gusta Hulanda.”

E lider di VVD, Yesilgöz, ku awor ta e minister di hustisia

saliente, tambe ta dispuesto pa drenta Parlamento, meskos ku Omtzigt di NSC i van der Plas di BBB.

E kuater partidonan ta sigui e definishon ku hopi eksperto ta usa pa un Gabinete ekstraparlamentario. E gabinete tin un konekshon mas fleksibel ku Parlamento ku un Gabinete regular i no tin un akuerdo di koalishon detayá.

Ministernan i Sekretarionan di Estado den hopi kaso ta bini for di pafó di polítika, pero nan por ta miembro di un partido polítiko.

Un gabinete ekstraparlamentario tabata un deseo di lider di NSC, Pieter Omtzigt, for di

kuminsamentu. E otro partidonan inisialmente tabata hopi ménos entusiasamá ku esei.

Pero gen e debate despues di e fase anterior, Yesilgöz ya a bisa ku e tabata dispuesto pa negoshá un fórmula asina, basta ku NSC tambe a proveé funshonarionan di Gobièrnu.

Djabièrnè informadó Putters lo bin ku su rapòrt final. Tambe lo indiká kiko e kuater partidonan ku tin un Gabinete ekstraparlamentario ta nifiká eksaktamente. Djárasen Putters a bisa ku por tuma un paso serka den formashon di Gabinete.



PCN ta publiká boletin informativo 'Invertí sosialmente responsabel'

KRALENDIJK -- Den e edishon spesial di su boletin informativo, e fondo di penshun Karibe Hulandes, PCN, ta splika e luna akí kon e ta invertí sosialmente responsabel. Komo invershonista, PCN ke kontribuí ku un kontribushon sosial importante. P'esei e tin un maneho pa invertí responsabel.

Na 2022 tabatin un investigashon bou di partisipantenan na e fondo di penshun tokante invertí duradero. Den e boletin informativo ta presentá e resultadonan di e investigashon akí.

PCN a usa e resultadonan akí pa ahustá su maneho pa loka ta trata invertí duradero.

Ta yama invertí duradero tambe invertí ESG. E lèternan ESG ta para pa Medio ambiente, Sosial i Maneho. Esaki ta e tres áreanan a base di kua por evaluá kon duradero

un empresa ta.

E último periodo, PCN a traha pa hasi su invershonnan mas duradero. "Naturalmente e rendimentu finansiero pa e penshun di e partisipantenan ta keda pará na number unu. Na mes momento PCN ta kontribuí na un futuro duradero. PCN por ehèmpel no ta invertí den empresanan ku ta skor malu riba durabilidad," miembro di direktiva, Gerard Bergsma, ta splika.

PCN ta wak tambe e efektonan sosial di su invershonnan. E ta hasi esaki dor di pisa durabilidad huntu ku kada desishon ku e tuma.

For di awor, tur aña PCN ta informá su partisipantenan tokante e tema invertí sosialmente responsabel. E biá akí no via un boletin informativo riba papel, pero via un boletin informativo digital riba e website. Di e manera ei tambe PCN ta traha

responsabel.

Den e boletin informativo ei tin un proyekshon visual di datonan di e empresa, kaminda ta haña amplio informashon tokante e tema invertí. Aparte di esei, a amplia e website. E partisipante por mira por ehèmpel di awor padilanti riba e website kon e portafolio di invershon ta partí.

Banda di invershonnan internashonal, PCN ta fungi tambe frekuentemente komo invershonista pa invershonnan lokal na Boneiru, St. Eustatius i Saba.

Por tira un bista riba e website: Boletin informativo: <https://pensioenfondscn.com/boletin-informativo-inverti-sosialmente-responsabel/?lang=pm>. Tema Invertí: <https://pensioenfondscn.com/beleggen/?lang=pm>.



Aksidente entre tres vehíkulo

KRALENDIJK -- Djaweps alrededor di algu promé ku 8'or di mainta, a tuma lugá un aksidente riba Kaya Amsterdam.

Na e sitio a bin topa ku un pikòp i dos outo di famia, ku a dal kontra otro ku hopi daño material. Segun informashon na e sitio,

falta di preferensia a hunga un ròl den e aksidente akí.

Probablemente e pikòp mester a lora dilanti di e Vitz ku tabata direkshon Playa ku konsekuensia ku e choke tabata inevitabel. Despues di e choke, e pikòp a bai dal den un otro vehíkulo ku tabata pará pa

subi Kaya Amsterdam.

Shofùr di e Vitz tabata keha di doló den pechu. Personal di ambulans a presentá na e sitio i a hasi un chekeo médiko na e shofùr, pero no mester a keda transportá.

(F u e n t e / F o t o : LIVE99FM)



HUSTISIA



Polis ta atendé molèster di kachó

KRALENDIJK -- Djárasen 13 di mart, alrededor di 7.05 or di mainta, 'meldkamer' sentral a risibí notifikashon tokante dos kachó ku a ataká un otro kachó (un chihuahua) na Kaya Buni. Na yegada di e patruya e persona ku a mèldu a deklará ku esaki no ta e promé biaha ku e kachónan di su bisiña ta ataká su kachonan i ku den pasado nan a morde i mata un kachó di dje. A konseh'é pa hiba su kacho un dòkter di bestia.

A papia ku e doño di e kachónan riba e situashon aki i a notifik'é ku si for di e investigashon result ku ta su kachónan a ataká e chihuahua, lo tuma medida. KPCN ke hala atenshon di doñonan di kachó pa tene kachónan den kurá dor di sòru pa un kurá bon será for di kua e kachónan no por sali i/òf pamara e kachó pa prevení tipo di situashonnan asin'aki. Abo komo doño ta responsabel pa e komportashonni treinen di bo kachó.

Tres detenshon pa maltrato i violencia públiko

Hòmber a morde polis

KRALENDIJK -- Riba djamars 12 di mart, alrededor di 3'or di atardi, un hòmber a bini bali na warda di polis i a deklará ku un mucha hòmber a maltrat'é na un adrès den Antriol. E hòmber no tabata sa ken e mucha hòmber ta i no tabata sa e adrès tampoko. P'esei el a bai ku un patruya na e adrès pa un intervenshon entre e ku e mucha hòmber.

Na Kaya Dradu el a para dilanti di un kas. Aki a surgi un diskushon entre e hòmber i algun persona ku tabata presente ku a terminá den un bringamentu. Pa e motibu aki, e persona ku a mèldu, a morde un agente ku a bai purba kita e partidonan for di otro

na su man drechi. P'esei a detené pa maltrato di un agente. Ta trata di un hòmber di inisial A.M.D. di 33 aña di edat. Durante e bringamentu, e sospechoso a haña sla na su kabes pa kual motibu e tabata heridá na su kabes. Pa esaki a detené un mucha hòmber di inisial J.S. di 17 aña di edat i un hòmber di inisial A.C.W. di 26 aña di edat pa violencia públiko.

Personal di ambulans a hasi un chekeo médiko na warda di polis ku e sospechoso ku tabata heridá i e agente ku e sospechoso a morde, despues di kua a transportá e sospechoso pa hòspital pa tratamentu médiko. Ta investigando e kaso.

Detenshon pa menasa

KRALENDIJK -- Riba djaluna 11 di mart, alrededor di 8.25 or di anochi, a detené un hòmber di inisial G.P.A.L. di 47 aña di edat na Kaya Simadan pa

menasa ku un arma.

E sospechoso a menasá ku un otro hòmber ku morto, ku un kuchú.

Ta investigando e kaso.

Proposishon di lei por kondusí na prohibishon di TikTok

K R A L E N D I J K / MERKA -- Miembronan di Kas di Representante Merikano, a vota na fabor di un proyekto di lei ku por a kondusí na prohibishon di TikTok. Nunka ántes e futuro di e app na Merka tabata asina insierto. Na mes momento, Senado por ta bon salbashon di e plataforma. E prohibishon ta pasobra Merka ta teme ku e gobièrnu Chines tin den nan man un kantidat

grandi di data via TikTok. E proposishon, ku a risibí 352 voto na fabor i 62 kontra, no ta pidi direktamente un prohibishon. Al kontrario, e kompania mayor Chines di TikTok, Bytedance, ta obligá pa bende e aplikashon ku ta permití kompartí video kòrtiku. Ta kuestionabel si e gobièrnu di Beijing lo permití esaki. Si no tin benta, anto en realidat tin un prohibishon.

Ta posibel ku Apple i Google Download Store no ta ofresé e aplikashon mas, meskos ta konta pa e proveedor di alohamentu.

Purá

Promé ku e votamentu a tuma lugá, tabatin un debate. Vários oponente tambe a papia. Republikano Massie, ta teme ku e lei lo restringí libertat di ekspreshon di Merikano.

Alexandria Ocasio-Cortez, un prominente kongresista demókrata, a bisa ku e lo vota kontra e proyekto di lei via X. “E proyekto di lei akí a surgi den hopi purá,” el a bisa. Tambe el a enfatisá ku preokupashonnan riba siguridat nashonal mester keda spliká públikamente promé ku vota riba e lei.

Nancy Pelosi, eks Presidente di Kámara di Representante, ta na fabor. Na su bista, e aplikashon ta un menasa pa demokrasia, pasobra e ta plama informashon robes. E ta bisa ku esaki ta un intento pa mehorá TikTok.

Bringa te final

Ku e votamentu den Kas di Representante tras di lomba, tur wowo ta awor den Senado. Solamente sí e ta di akuerdo, e lei por bai serka Presidente Biden. E ya a indiká ku e lo firma. Na unda ku pronto a bira kla ku e miembronan di e kámara lo ta na fabor, esei ainda tin hopi duda ku Senado lo aseptá. Tin mas krítika riba e proposishon.

TikTok lo ke hasi mas tantu posibel di e insertidumbre ei. Ta resultá

ku e presidente ehekutivo ta na Washington e siman akí i awor lo usa tempu pa papia ku mas tantu Senador posibel i konvensé nan ku e prohibishon akí ta un idea robes.

Ademas, TikTok presumiblemente lo purba blòkia e lei via prosedura legal sí e proposishon ta aprobá. E kompania lo lucha te na final pa e preservashon di e aplikashon, tin demasiado den wega.



RoHeCo B.V.

ta buska

-wegenbouw-arbeider

Pa mas inf. # di telefón

796-3008

SEÑOR TA KONTESTÁ BO ORASHON

“Deleitá bo mes den SEÑOR, i E lo dunabo e deseonan di bo kurason.” Salmo 37:4(BS)

Bo ta kana ku duda i pregunta ku si di bèrdat Dios lo kontestá bo orashonnan. Bo a kansa di pidi pa e mesun kos kada bes sin a risibí un kontesta ainda? Awèl awe mi ke pa bo para ketu na algu masha importante. Pasobra algun bes ta pasa kosnan ku bo no ta para ketu mes na dje, pero ta kosnan chikitu ku ta pone nos pensa riba kon Dios ta sòru pa nos.

Despues di un dia kansá di trabou mi a habri eiskast ku gana di kome un apelsina. E eiskast a papia bisando: “Bo yunan a kome tur”. Mi a keda wak den eiskast i a bisa: “Mi a keda ku gana di kome un apelsina”.

Mi a kita bai i a lubidá mes di mi gana di kome apelsina. Su siguiente dia mainta mi a bai mi trabou kantando. Un ratu despues un mucha ta drenta i ta bisa: “Esaki mi a trese pa ‘tante’”. Wou, mi no por a kere mi wowo ... un bunita apelsina.

Ma para ketu i a yama Dios danki ku El a sòru pa mi a haña un apelsina ku asina tantu mi tabatin gana di dje. Esaki ta djis un prueba kon nos Señor por duna nos loke nos kurason por deseá. I pa abo mi kerido lektor, no pèrdè ánimo ni baha brasa. Kòrda si; “Deleitá bo mes den Señor” semper, manera e versíkulo di awe ta bisa.

Dios ta skucha i kontestá orashon, sigui pidi!

Gabriela Lourens-Thielman
Produkshon PGM

Programanan di Bonaire.tv

TELBO kanal 70

Flamingo TV kanal 23

Djabièrnè 15 Mart 2024

12.00 Herensia: Ana Thodé
13.00 Aki Aruba: Hazaña mega museo (Heintje Ras)
14.00 Herensia: Anton Boutismo Yorkia
15.00 BAPA: Milton Koeks

16.00 Aktualidat: Adrie van de Ven
17.00 Aki Statia: Mini pastor na Statia
18.00 Herensia: Catharina Domacasse
19.00 BAPA: Ernst Wesselius - Paul Pilgrom - Anselmo Ortensia

20.00 Herensia Aruba: Marcolina Sonya Martis-Lemminga
21.00 Aki Aruba: Raymundo Dijkhof
22.00 Herensia: Martinus Cecilia
23.00 BAPA: Magasina Di Rei - Arte Boneriano

Plan di akshon pa protekshon di turtuga

KRALENDIJK -- Organisashonnan lokal i regional di naturalesa ta uni forsa pa desaroyá un plan di akshon pa rekuperashon di turtuga, STRAP. pa Karibe Hulandes. Komo preparashon pa e plan di akshon pa protehá turtuga Karibense, Sea Turtle Conservation Bonaire (STCB) i Wereld Natuur Fonds (WWF-NL), a organisá un tayer durante e konferensia anual di WIDECAST. A invitá e organisashonnan envolví den konservashon i rekuperashon di turtuga na Karibe Hulandes pa e tayer akí. E meta di e tayer ta pa diskutí e status aktual di aktividatnan i menasa den e region i pa determiná e contenido di e plan. Tambe ta kuminsá identifika

prioridatnan ku ta nesesario pa oumentá e protekshon di turtuga riba kada isla. STRAP pa Karibe Hulandes ta un proyekto finansiá pa Ministerio di Agrikultura, Naturalesa i Kalidat di Kuminda i WWF-NL i ta implementá pa STCB den kolaborashon ku WWF-NL. Manera otro espesie migratorio, turtuga no tin frontera. Nan bienestar i protekshon ta dependé di desishonnan ku hende ta tuma na nivel lokal, regional i internashonal. WIDECAST tin un funshon importante den e desaroyo di STRAP. Wider Caribbean Sea Turtle Conservation Network, ta un ret internashonal di siensia ku ta konsistí di ekspertonan riba tereno di turtuga den

mas ku 40 pais i teritorio di konseho akí ta sigui aprobá tur dokumentu ku ta guianan internashonal i ta resultá for di e seshonnan.



Kanselashon na último momentu bishita Rei Willem-Alexander

KRALENDIJK / VIETNAM -- E bishita di estado di Rei William Alexander i Reina Maxima na Vietnam, a keda posponé riba petishon di e vietnamesnan. E motibu ta e asuntunan interno di Vietnam. Loke nan no ta revelá. E plan tabata pa Rei i Reina ta na Vietnam di di 19 pa 22 di mart, riba invitashon di Presidente Vo Van Thuong. No a anunsiá datonan nobo ainda. Hulanda a mantené un relashon diplomátiko

ku e pais pa 51 año. Tambe tin koperashon riba tereno ekonómiko. Pa Vietnam, Hulanda ta e pais di eksportashon mas importante di Europa i Hulanda ta e invershonista Europeo mas importante na Vietnam. Dos mishon ekonómiko tambe tabata riba programa di e pareha Real, un bou di liderazgo di Minister van der Wal di naturalesa i nitrógeno, e otro bou di liderazgo di Minister Harbers di infrastruktura i maneho di Awa.



Studentenan di SGB a hasi ko'i sushi buriku prof

KRALENDIJK -- Studentenan di e sekshon di teknologia i aplikashon, TeTo, di Komunidat di Skol Bonaire, SGB, a inventá un solushon pa Kooyman pa por preveni kontaminashon i destrukshon dor di buriku riba tereno di e kompania. Burikunan gusta kome

sobrá di kuminda di Kentucky, ku ta keda djis banda di Kooyman. Ta un echo ku burikunan por ta basta brutu, ora nan ke saka kuminda for di ko'i sushi, òf for di kliko, laganda hopi biá un desaster atras. “Nos promé grupo di studentenan di TeTo a

inventá un solushon pa Kooyman, dor di hasi e klikonan buriku prof. Sí Mavo ta un skol djis pa edukashon teorétiko, ta e pregunta retórik, pero tambe yen di orguyo ku direktor di Liseo, Barbara Sol, a hasi den un publikashon riba LinkedIn.



Direktor di Liseo, Barbara Sol, ta orguyoso di e ingeniosidat di e estudiantenan di TeTo.

Dutch Caribbean Nature Alliance: “E islanan a skapa di un desaster grandi”

Reakshon rápido derame di petroli

KRALWENDIJK -- Dia 14 di mart un derame di petrolio na laman ku a surgi for di kosta di Tobago, a hasi su yegada desagradabel na kosta di Karibe Hulandes. Aunke e petrolio a yega kosta di Boneiru i Kòrsou, afortunadamente e islanan ta parse di a skapa di un desaster grandi te awor, di akuerdo ku Dutch Caribbean Nature Alliance (DCNA).

E alkanse di e derame, ku ta ekstendé leu for di su orígen, ta enfatisá e interkonekshon di e ekosisteman aki i e impakto poderoso di e desasternan akí. Boneiru i Kòrsou, tambe a mostra e forsa di preparashon, e reakshon rápido i kolaborashon entre diferente interesadonan lokal i regional. E eksperensianan ta sirbi komo prueba di strès signifkativo i ta yuda mehorá preparashon di e islanan pa kalamidatnan den futuro.

E insidente, ku a tuma lugá, ta di un lancha ku un toubot tabata tou ku a sali for di Panama pa Guyana momentu ku el a kuminsá kapseis. Ekspertonan ambiental a emití atvertensia severo, kalkulando ku limpiesa di tal derame por dura te ku ocho luna i ku e impakto ambiental lo dura hopi



mas.

E zeta ta klasifiká komo kombustibel pa búnker i por ta bastante dañino pa medio ambiente, ya ku e ta inkluí aromátiko, sulfuro i nitrógeno. Ademas, e kombustibel akí ta desintegrá ora e ta eksponé na lus di solo por ehèmpel, ora e ta flota riba superfisie di laman, loke ta hasi ku e komponentenan tóksiko ta keda apsorba mas fásilmente dor di medio ambiente ora nan yega tera.

Impakto riba medio

ambiente

E derame di petrolio ta trese hopi riesgo pa medio ambiente, bida marino, salú humano i ekonomia. E impakto di derame di petrolio riba e ekosistemanan di kosta ta profundo i multi fasétiko. E efekto di término kòrtiku ta visibel ku wowo kla, bida marino kubrí ku petrolio, vegetashon i awa na playa kontaminá. E impakto inmediato akí ta alterá e balansa delikado di e ekosisteman kostero, poniendo na peliger e sobrebibensia di vários espesie, inkluyendo

piská, para i mamífero marino. E presensia di petrolio riba e superfisie di awa ta blòkia lus di solo, fundamental pa e matanan marino i e salú di e refnan di koral. Na tera, e derame ta stroba e vegetashon, ta stroba e kresementu i ta afektá e espesie ku ta dependé di e matanan akí pa refugiá i kome. Sinembargo, e konsekuensianan riba largu plaso di derame di petrolio por ta mas devastador ainda, alterando e struktura di e ekosistemanan den e añanan benidero. Sustansianan tóksiko di petrolio por akumulá den e kadena di kuminda, ku ta kondusí na un bahada di fertilidat i un oumento di e kantidat di morto entre e espesie marino. Habitatnan por sufri kambionan ireparabel, ku ta kondusí na pèrdida di biodiversidat i alterashon di e balansa ekológiko.

Boneiru

Den e siman di 26 di febrüari 2024, petrolio a yega kosta ost di Boneiru i a kolektá petrolio den dos bahia, Lagun i Lac. E baretnan pa wanta e petrolio tabata na nan lugá den tur dos bahia promé ku e yegada di petrolio.

E impakto general di petrolio riba e kosta oriental di Boneiru, ainda no ta kla, aunke e akshon rápido di Entidat Públiko Boneiru, Havenmeester, STINAPA, Warda Kosta, Brantwer, LVV, Ehérsito di Defensa di Kòrsou i e partnernan interesá di Lac, ta parse di a mitigá algun di e peligernan akí.

Nolly Oleana, Gezaghebber di Boneiru,

dia 4 di mart a bisa: “Boneiru a skapa di un desaster grandi.”

Kòrsou

Mesora ku e petrolero a yega kosta di Boneiru, Caribbean Research and Management of Biodiversity (CARMABI), a ofresé su asistensia na outoridat marino di Kòrsou i na kordinadó di desaster. Su yudansa a keda bon risibí. E rangernan di Parke Marino a kuminsá un monitòr diario for di Caracasbaai pa punta ost, tambe durante e wikènt.

E rangernan di Parke Nashonal Christoffel i Parke Nashonal Shete Boka, a monitòr e playa den e parkenan i e área di West Punt. A haña zeta hopi limitá. E monitoreo a sigui te ora e esfuersonan na Boneiru ta baha.

Lèsnan siñá

Reflekshonando riba e situashon, e outoridatnan ta rekonosé e retonan pa sigui e trayekto di e manchanan di petrolio ku presisidat. Miéntas ku e pronostiká ta keda difisil, ta komprendibel ku outoridatnan a purba evitá di kousa pániko, konsiderando e impakto profundo ku e por tin riba e isla i su ekonomia.

E kontestanan di e tim di krísis despues a keda bálido pa eventonan, demostrando nan efektividat. Gran felisitashon na tur outoridat envolví pa nan esfuerso grandi. E eksperensianan akí ta sirbi komo prueba di strès signifkativo i ta yuda mehorá preparashon di e islanan pa kalamidatnan den futuro.



PÁGINA SOCIAL

Dia Internashonal di nir

K R A L E N D I J K - Fundashon Mariadal, den kuadro di dia internashonal di Nir, 14 di mart, a organisá un aktividat na entrada di hospital. Tur aña departamentu di Diálisis ta selebrá e Dia Internashonal di Nir, e aña aki no tabata un eksepsion. Na e okashon, nan a ofresé un oportunidat ekselente, pa siña mas tokante salú di nir i malesa di nir. Bishitantenan por laga midi nan nivel di suku den sanger i nan preshon di sanger riba e mainta. Tambe por a haña konseho tokante nutrishon serka

dietista. Banda di esaki, por a haña informashon tokante nir i malesa di nir na e stèntnan di informashon. Kada bishitante tabatin oportunidat pa gana un premio. Ta bon pa hasi kontrol 2 biaha pa aña. Boneiru tin hopi hende ku e problema di nir, algun ta kontrolá i otro no. Hopi biaha e hende tin miedu pa kontrolá i esei ta mas peligroso. Ora e hende su nir no ta funshoná mas e mester di un mashin, ku tin aki den hospital. Boneiru ta bon prepará pa hasi tratamentu diario di dialisá.



Segun Vincente Martis:

“Nada no ta keda meskos, tur kos ta kambia”

K R A L E N D I J K - Vincente Martis ta sinta na porta di hospital e la hiba kombersashon profundo

tokante ántes i bida en general. Den su añanan mas hóben e tabata traha na BOPEC.



Much'i Antriol ta demonstrá trabou fini

K R A L E N D I J K - Esmeraldo George ta musta ku edat solamente ta rehalsá un persona su abilidadatnan. E much'i Antriol aki a disidí den su

fakansi pa drecha un kashi George a demonstrá di ta kushina pa un siudadano. ábil ku martin i klabu.



Investigashon di karkó a kuminsá

KRALENDIJK – E karkó hubenil ku ta kria a siman akí a kuminsá na Boneiru e investigashon di karkó, ku ta yama ‘Conquer the Future’. Danki na esfuersonan konhunto, meta pa reforsá e poblashon



natural di karkó.

E investigashon ‘Queen Conch Hatchery’ na Curaçao Sea Aquarium, ta proveé e karkónan hubenil pa e investigashon i a pone facilidadnan disponibel pa prepará e transporte bon.

Despues di e biahe ku boto, e karkónan ta bai den un área protehá den e yerbanan di laman na Sorobon, pa nan por kustumá den un ambiente sigur.

Tabatin un tiki preokupashon ora e kontaminashon di zeta a pasa na Boneiru, pero afortunadamente tabatin tiki pida di zeta rònt di e kouchi. E kontaminashon di zeta no tabatin impakto riba e karkónan i e karkónan ta saludabel.

Despues ku e karkónan a kustumbrá, lo laga nan den bahia di Sorobon pa non move libremente. Ta pone transmisornan riba e karkónan pa monitoriá nan kresementu i chèns pa sobrebibensia.

Esfuerso konhunto

Pa reforsá e poblashon di karkó, no por pone karkónan chikí den laman so. Mester traha ku organisashonnan di naturalesa, piskadónan i Gobièrnu tambe.

Pa transportá e karkónan kria ku boto for di Kòrsou pa Boneiru, mester a pidi pèrmitnan. Tambe pa pone e karkó den laman, mester tin un pèrmit di naturalesa.

“F e d e r a s h o n Koperativanan Uní di Produkshon (FKUP), a kordiná e biahe pa Boneiru. Promé ku nan yegada, un tim ku ta inklui miembronan di koperativa

di peska. PISKABON i stazjèr Claudia Tonnis, a konstruí i instalá e kouchi.

Rangernan di STINAPA a yudá e stazjèr pa pone e karkónan den laman. E grupo akí tambe a sigurá ku e karkó por a keda aprobá rápido pa transportá esaki na e kouchi na Sorobon, ya e karkó por aklimatisá. Hopi man ta hasi e trabou fásil,” e lider di e proyekto i biólogo marino, Michiel van Nierop, ta bisa.

Pa stimulá koperashon den e proyekto, a firma un akuerdo entre koperativanan di peska na Kòrsou i Boneiru, FKUP i PISKABON, STINAPA i Wereld Natuur Fonds (WWF-NL). STINAPA ta responsabel pa supervishon di e proyekto.

‘Conquer the Future’ ta risibí sosten finansiero di WWF-NL i Seacology.



Zorg en Jeugd Caribisch Nederland
Ministerie van Volksgezondheid,
Welzijn en Sport

KAMBIA DÒKTER DI KAS?

Skohe por!

Bon kuido ta nifiká hasi eskoho korekto.

Tambe ora ta trata di bo dòkter di kas!

Na Kuido i Hubentut (ZJCN) bo por kambia di dòkter di kas entrante promé di aprel.

Kiko bo mester hasi?

Informá serka e dòkter di kas nobo si e tin espasio pa bo komo pashènt nobo.

Despues yena e kambio riba e formulario di kambio na ofisina di kuido situá na Kaya Grandi 91. Òf ‘download’ e formulario riba www.zvkc.nl.

Entregá e formulario **promé** ku promé di aprel na ZJCN.

Konfiabel, hustu i aksesibel, esei nos ta sigurá bo!



Payroll Pro
HRM

www.payrollprohrm.com

The most complete payroll and HR software in the Caribbean!

Download the mobile app!

Google Play App Store


Protehá ref kontra 'unomia stolonifera'

Protekshon kontra invasor di koral

KRALENDIJK -- Rapòrtnan resien ta hala atenshon riba e plamamentu preokupante di e koral suave invasivo, 'unomia stolonifera', ku aktualmente ta destruyendo e ekosistemanan marino di Venezuela i ku nan a deskubrí na Cuba. Mirando e potensial menasa ku esaki por plama i yega e islanan di Karibe Hulandes, akshon i konsiensia urgente ta esensial pa protehá e biodiversidat marino i ekonomianan lokal kontra konsekuensianan katastrofal.

Espesienan invasivo ta bestia, òf mata, for di un otro parti di mundu ku no ta pertenesé den nan ambiente nobo. E espesienan akí por tin konsekuensia ekològiko grandi pa motibu ku nan ta redusí e flora òf founa endémiko ku kantidatnan grandi. Nan por okashoná pèrdida ekonómiko grandi tambe i influensia salú di hende.

Espesienan invasivo ta forma un menasa konsiderabel tambe pa ekosistemanan marino rònt mundu, inkluso e área di Karibe Hulandes. Entre e invasornan akí tin e espesie oktokoral 'unomia stolonifera', òf 'pulsing xenia', originalmente prosedente di Indio



Pasífiko.

Ku su kresementu rápido i falta di enemigu natural, e espesie akí por kaba ku espesienan endémiko i destrosá habitatnan marino vulnerabel manera kama di yerba di laman i ref di koral.

Base

E koral invasivo suave akí a keda identifiká pa promé biá na aña 2014, dilanti di kosta di Venezuela. Nan ta kere ku su introdukshon a tuma lugá via komèrsio ilegal di akuario. Pa motibu ku e espesie akí por reproduzí seksualmente i asexualmente, òf den forma fragmentario, asta pida pida chikitu por regenerá i plama.

Una bes ku e keda introdusí, rápidamente e ta tuma ref den awa plat i

supstrato duru over na un profundidat di 0 te 50 meter, di manera ku e ta hala koral lokal i yerba di laman un banda pa haña espasio.

For di investigashon di kontinuashon, a resultá ku e tipo di koral akí tabata muestra un porsentahe di kobertura promedio di asta 80%, superando ampliamente e koralnan endémiko. Den áreanan fuertemente kolonisá, piská ta dispersé komo konsekuensia di pèrdida di nan habitat.

Na aña 2022, durante un investigashon ku Universidat di Havana a hasi na Cuba, nan a deskubrí un oktokoral desconosí ku despues nan a identifiká komo e 'unomia stolonifera' invasivo. Nan ta sospechá ku e larvanan di koral a yega den awa di balaster di barku ku kombustibel fósil

prosedente di Venezuela, mirando ku e invashon a afektá sitionan pegá ku hafnan Venezolano gravemente.

Kon pa yuda

Prevenshon pa medio di monitoreo kontínuo, prinsipalmente den áreanan ku riesgo haltu, manera haf di laman i instalashon petrolero, ta di mayor importansia. Detekshon na tempu ta hunga un ròl fundamental den kaso di limitashon di e menasa ku ta bini di 'unomia stolonifera'. Embolbimentu i konsientisashon di públiko tambe ta vital. Ta stimulá komunidatnan lokal, sambuyadónan rekreativo, turista i tur partner, pa partisipá na esfuersonan tempran di detekshon pa medio di mèldu opservashon, potrèt, sitio i fecha, di e koral invasivo akí na nan respektivo organisashon di maneho di área protehá, Fundacion Parke Nacional Aruba (FPNA),

STINAPA Bonaire, CARMABI Curaçao, Saba Conservation Foundation (SCF), Nature Foundation St. Maarten (NFSXM) i St. Eustatius National Parks (STENAPA).

Si nan konfirmá un área invadí, ta sigui e rekomendashonnan di e organisashonnan lokal.

Yabi pa éksito

No opstante e retonan, detekshon tempran ta e yabi pa limitá e menasa di 'unomia stolonifera'.

Ku vigilansia, investigashon i embolbimentu kontínuo di parti di komunidat, tin speransa pa logra haña e potensial problema akí bou di kontròl, promé ku e bira un menasa mas grandi.

Foto: Potrèt di e koral suave invasivo 'unomia stolonifera', ku na e momentunan akí ta destruyendo e ekosistemanan marino di Venezuela. (Krédito: Juan P. Ruiz-Allais- Unomia Project)




Photo: Juan P. Ruiz-Allais
@jpruizallais



Photo: Juan P. Ruiz-Allais
@jpruizallais



Photo: Juan P. Ruiz-Allais
@jpruizallais

Mortalidat infantil mundial nunca anterior asina bou

KRALENDIJK -- E kantidat di mucha ku ta muri promé ku nan kumpli sinku aña rònt mundu, nunca tabata asina abou, UNICEF ta informá den un rapòrt di aña 2022.

E aña ei, 4.9 mion mucha bou di sinku aña, a muri. Tur aña UNICEF ta publiká un rapòrt tokante mortalidat infantil mundial. E último vershon ta deklará ku e kantidat di morto di mucha bou di sinku aña, a baha ku 51 porshento for di aña 2000.

Segun e organisashon di derechonan di mucha di Nashonnan Uní, esaki por ehèmpel ta debí na un mihó aksesu na kuido médiko, inkluyendo bakuna, kontròl di natalidat i tratamentu di malaria i peumonia.

“E sifranan akí ta mustra ku añanan di invershon den bon kuido médiko i kompromiso di partera, trahadónan di salú i

servisionan di nutrishon, ta yuda salba bida,” Suzanne Laszlo, direktor di UNICEF na Hulanda, a bisa.

Paisnan di entrada abou i mediano abou, tambe ta mustra un bahada fuerte, demostrando ku progreso ta posibel ora ku sufisiente kuido médiko ta invertí.

Cambodja, Malawi, Mongolia i Ruanda, a asta redusí mortalidat di menor di sinku aña ku mas di 75 porshento desde aña 2000, e organisashon di ayudo ta informá.

Den e parti di Afrika sup-sahariano, e kantidat di mortalidat ta mas haltu. 57 porshento di tur morto di hóben na 2022 a keda registrá aki.

Ta e ora ei 30 porshento di nasementu mundial a tuma lugá den e área ei.

Ainda tin hopi trabou pa hasi, UNICEF ta bisa. Di e 4.9 mion mucha bou di sinku aña ku a muri na 2022, mitar tabata resien nasé. Ademas, morto di 2.1 mion mucha i hóben entre 5 i 24 aña, por a keda evitá sí nan tabatin un mihó aksesu na atenshon i sí tabatin sufisiente personal di atenshon kualifiká.

E kousa komun di morto ta peumonia, òf diarea.

“E lugá kaminda un mucha ta nase no mester determiná sí e ta biba òf muri,” direktor general Tedros Adhanom Ghebreyesus, di e organisashon mundial di salú, WHO, ta bisa.

“Ta fundamental pa mehorá aksesu na kuido médiko di kalidat pa tur muhé i mucha, asta durante emergensia i den áreanan alehá.”

Aksesu na mehorashon



PARTISIPASHON

Apresiabel usuario di Kaya International

Riba enkargo di Direktorado di Planifikashon i Desaroyo, Bonairiaanse Wegenbouw Maatschappij lo hasi trabounan di mantenshon na parti di Kaya International na haltura di Marriott te na e entrada di aeropuerto (2do fase)

E trabounan lo wòrdu ehekutá durante oranan di anochi na momentu ku trafikashon den e área lo ta ménos intenso. E trabounan lo konsistí di frees (raspa) e kapa di asfalt eksistente i pone un kapa nobo. Tambe lo ehekutá trabounan pa marka e kaya den e periodo abou menshona.

Nos ta konsiente ku e trabounan lo trese sierto molèster kuné manera ekseso di zonido, stòf, i desviashon di trafiko. Nos di BWM ta hasi nos máksimo pa minimalisá e molèsternan aki. E trabounan lo tin un durashon di 11 anochi, kumisando djadumingu 17 mart 2024

alrededor di 20:00 or di anochi.

Durante e periodo di e trabounan no por tin vehíkulo stashoná dilanti di e waya di aeropuerto ni den e área den trabou. Den kaso ku tin vehíkulo stashoná, polis lo kita esakinan riba kosto i risiko di e doño.

Di antemano danki pa bo(so) kompreshon. Danki pa boso koperashon pa asina nos por realisá e trabounan ku éxito i den e tempu kalkula.

Den kaso di pregunta, remarke i/of sugerensia por tuma kontakto ku Bonairiaanse Wegenbouw Maatschappij na telefon +599 717-8933 ofisina di R&O +599 715-5381.

BEKENDMAKING

Beste weggebruikers van Kaya International

In opdracht van Directie Ruimte & Ontwikkeling (R&O) voert Bonairiaanse Wegenbouw Maatschappij onderhoudswerkzaamheden aan deels van Kaya International. Het betreft het gedeelte vanaf Marriott tot de ingang van Flamingo Airport (2de fase)

Deze werkzaamheden zullen in de avonduren plaatsvinden. De werkzaamheden bestaat uit frezen van bestaande wegdek en aanbrengen van een nieuwe asfalttoplaag. Daarnaast zal dit weggedeelte voorzien worden met markeringen. Tijdens deze werkzaamheden kunnen zich ongemakken voordoen zoals stof en geluidsoverlast en afzetten/omleiding van wegen in genoemde gebied.

Wij zijn ervan bewust dat deze werkzaamheden ongemak met zich meebrengt. De aannemer Bonairiaanse Wegenbouw Maatschappij zal zich inspannen om dit overlast te minimaliseren.

De uitvoering van de werkzaamheden zal 11 nachten in beslag nemen ingaande van zondag 17 maart '24 om 20:00 uur.

Gedurende deze periode mogen geen voertuigen geparkeerd worden aan de grens van het vliegveld en binnen het werkgebied. Voertuigen die bij start van de werkzaamheden nog op werkterrein staan worden door politie weggesleept op kosten en risico van de eigenaar.

Bij voorbaat dank voor uw begrip en medewerking in deze.

Zijn er vragen, op-aanmerkingen gelieve contact te nemen met R&O kantoor (+599) 7155381 of met BWM-kantoor (+599) 7178933)

Partisipashon Seramentu di kaya



Pa motibu di **'Weganan Interinsular'**, dia **15 di mart 2024 i 16 di mart 2024** for di **06:00 or te ku 14:00 or** e siguiente kaya ta temporalmente será pa tráfiko:

Bulevar E.E.G.[A]: e parti di e kaya akí entre 'Waf di Cargill i Pink Beach'.

E área será ta alkansabel pa hende na pia. Parker bo outo pafó di e área será i **no** dilanti e barikada. Ta usa e kamindanan pafó di e área será pa kambio di ruta. Ta indiká esaki ku bòrchi di kambio di ruta.

Diskulpa pa e inkumbiniensia i danki pa bo kompreshon.

Gezaghebber interino
R. Oleana

Sekretario Insular
mr. C.J.L. Frans





DEN PASO DI BÒI

Si tin algu ku ta preokupá mi profundamente ta e esfera hóstil ku ta kologá den e komunidad aki. Hende ku rabia, odio, renkor i envidia kontra otro. Inkreibel i tristu. Pero bèrdat. Realmente tristu. Kasi tur dia mi ta topa ku e situashonnan aki. Lástima ku esnan ku ta biba ku odio, renkor i envidia den nan mente i kurpa no ta konsiente ku nan ta hasiendo daño na nan mes i no na esnan ku nan ta odia.

Último tempu aki mi ta purbando mas i mas pa

traspasá mi aktividatnan pa otro hende. Mester tin kontinuashon den sigur e trabou di dokumentashon di historia i kultura. Kos mester sigui ora ku mi no t'ei mas. Mi no ke pa e trabou aki, ku m'a inisiá i hasi durante mas ku 50 aña, deskontinuá pa kualké motibu. No ta fásil. Pa hasi e trabou aki bo mester tin amor i pashon. No simplemente interes. Ku solamente interes bo no ta yega ma-sha leu. Amor i pashon ta e dos palabranan klave i mágiko. Mi ta sigui bai te kaminda mi por, pero na

sierto momentu ta yega un fin. Mi ta konsiente di esei i ta trahando duru riba sushon.

Te ainda mi ta dediká hopi energia, tempu i plaka den loke a bira mi pashon: reskatá nos historia i kultura. Huntu ku esaki tambe pone atenshon na naturalesa. E tres piedranan di fogon, manera mi ta yama nan. Bo no por separá nan for di otro. Tur tres ta konektá ku otro. Danki Dios tin algun hende ku ta kere den e lucha aki meskos ku mi. Pasobra e ta

un lucha. Tur hende ta apresia i elogiá e trabou, pero a yega momentu ku mester bini mas finansa pa por kontinuá.

Awóraki ta riba gobièrnu di Entidat Públiko so práktikamente nos ta dependé pa finansiá tur e trabou aki. Ami ta hasié pòrnada, sin kobra niun sèn. Pero mi mester di hende rònt di mi pa hasi trabou profeshonal. Si nan, hende pa graba, registrá buki i dokumento, atendé sita, etc., nos no ta logra. Danki Dios tambe nos tin boluntario ku nta ofresé nan tempu pa nos por sigui.

Kasi tur atardi mi ta kana den áreanan di kunuku, spesialmente den be-

sindario di Seru Grandi, Mexico, Seru Angola, Seru Kima i tin bes yega te Gurubú, na unda m'a lanta hopi na kunuku di mi tata. Mi tin dushi rekuerdo di Gurubú.



Durante e kaminatanan aki mi ta topa ku hopi bestia na kaminda. Di mes buriku, kabritu, porko i último tempu hopi galiña ku, segun mi, no tin doño mas. Pues por konsiderá nan komo galiña di mondi. Rònt Boneiru mes por ripará ku krionan di galiña a oumentá. Rondó di mi kas mes ta yen. Último tempu aki mi no tin nodi di kumpra webu mas. Kana piki webu di galiña den kurá.



MONCHI & TONCHI

Gobièrnu ta tur na konsehero. Ki dia ta kuminsá traha riba e konsehonan?

Awèl si, tin konsehero pa konsehero. Esaki tambe tin un konsehero. Tur konsehero tin un konsehero



KOLOFÓN

Editor: Bonaire Communication Services N.V.
Kaya Irlanda 12,
Tel. 717-8482

Redakshon: extrabon@gmail.com
avisobon@gmail.com
Wèpsait: www.extraboneiru.com
Facebook: Extra Boneiru

Direktor
Shirley Martis
785-3824
796-3824

Hefe di redakshon
Nathaly
Evertsz-Ipcendencia

Redakshon
Papi Antoin
Edson Pietersz
Ibi Piar (deporte)

Partner na Aruba
Awe Mainta
Partner na Kòrsou
Extra
Partner na Boneiru
Live99

Layout
Maya Beaumont

Konsehero:
Bòl Antoin
786-6818

Aviso
avisobon@gmail.com

ARUBA

FPNA ta activo den defensa di Isla di Oro

ORANJESTAD -- FUNDACION Parke Nacional Aruba ta na altura di actividadnan cu ta tumando luga riba Isla di Oro y ta activamente haciendo tur cos posibel den e organisacion su capacidad legal pa pone un stop n'e actividadnan cu ta tumando luga. Isla di Oro ta un area cu ta cay bou di maneho di Fundacion Parke Nacional Aruba.

E mangelnan ta un especie protegi pa ley y e area tambe ta cay den 'Natuur Gebied' Nieuwe

aanwijzing domeingronden als natuureservaat (AB 2020 no. 67) y Ruimtelijke Ontwikkelingsplan met Voorschriften 2021 (AB 2021 no. 123) mientras cu e isla mes y e lama ta cay den Marine Protected Area (MPA) esta Landsbesluit Parke Marino (AB 2018 no. 77) -- haciendo e area aki un grado di proteccion halto. Adicionalmente, e area aki tin reconocimiento internacional como un Key Biodiversity Area (KBA) door di IUCN y ultima[1] mente a wordo clasifica

como un RAMSAR gebied (RAMSAR Site no. 2526) -- dunando e area akinan mas balor ainda. Fundacion Parke Nacional Aruba ta comprometi na e proteccion di e area importante aki -- e unico area na Aruba unda ainda nos ta wak e 'Poder di 3' conecta na otro sanamente, esta e mangelnan, yerbe di lama y e rifnan di coral -- 3 diferente sistema ecologico crucial cu hunto ta prove un variedad di beneficio pa e ser humano y Aruba su medio ambiente.

Dialuna 11 di Maart 2024 bestuur di FPNA a ser alerta di actividadnan cu ta pasando y inmediatamente a bay den accion pa manda un Proforma Bezwaarschrift. Informacion cu FPNA a ricibi ta cu no tin un aanlegvergunning y cu esey ta evaluando pasonan legal. Ta di hopi tempo caba FPNA tin wowo extra riba e area di Isla di Oro y den augustus di 2023 a bin haya sa cu Isla di Oro a ser



cumpra y asina a manda un carta oficial dia 28 di augustus pa DIP indicando cu no lo duna permiso pa ningun desaroyu riba Isla di Oro.

Den november 2023, FPNA a wordo contacta door di J.O.B. Holding & Management y a ser invita pa bay un meeting pa compronde kico ta e intencion cu Isla di Oro. Dia 4 di januari 2024, FPNA a responde na J.O.B. Holding & Management cu un carta unda cu a indica cu no ta bay di acuerdo cu ningun

desaroyu pa Isla di Oro.

Siguiementemente dia 18 di januari 2024 J.O.B. Holding & Management a invita FPNA conhuntamente cu otro organisacionnan local pa un stakeholder engagement session unda cu nan a informa cu nan lo ta haciendo diferente trabounan riba Isla di Oro y no a presenta un plan concreto cu por ser revisa. No obstante e posicion di FPNA no a cambia.

FPNA no lo sostiene ningun plan di desaroyu den e area aki.



Patruxa Policial Ford Everest y Ranger ta cla pa subi caminda

ORANJESTAD -- E imagen nobo pa e siguiente etapa di Cuerpo Policial Aruba ta cla pa subi caminda. Den un celebracion ameno na e compania di auto Yrausquin a haci entrega oficial di e flota nobo pa patruxa policial, departamento di trafico y polis na frontera.

Den presencia di minister di Husticia y Asuntonan Social Sr. Rocco Tjon, altocomisario di Polis drs. Ramon Arnhem, mando policial y gerencia di Yrausquin a haci e acto simbolico di en total di 34 auto policial nobo.

Di marca Isuzu algun

aña atras awor KPA su patruxa policial ta cla pa sigui patruxa den Ford model Everest y Ranger. Un cambio grandi na e vehiculo policial pa locual ta trata e marca y modelo pero tambe tecnologia avansa uzando e ultimo modelo nobo di marca "Whelen". A haci un cambio radical for di e zwaailicht blauw y oraño pa blauw y cora. E cambio aki tabata ta pa miho visibilidad y siguridad pa e agentenan policial pero tambe pa comunidad.

Tambe lo tin zonido di sirena diferente compara cu antes pa miho zonido. Como fuera e flota nobo aki tambe lo ricibi "Data

Terminals" pa asina e agentenan por ta miho ekipa den nan patruxa policial cu informacion. Di e forma aki Aruba ta dal un stap grandi locual ta tecnologia y husticia. "Inverti den nos hendenan, tecnologia y material y crea un

sentido di siguridad pa nos comunidad y nos agentenan.

Cuerpo Policial Aruba ta den desaroyu positivo pa asina crea un base solido pa e futuro di KPA". Tabata palabranan di altocomisario Arnhem hopi satisfecho cu otro

logro mas pa bienestar di KPA y e siguridad di Pais Aruba. E patruxa policialnan aki lo subi riba nos carteranan cu e colornan di nos bandera blauw cu su strepinan geel cu orguyosamente nos ta carga nos bandera Aruba dushi tera.



STATIA/SABA/ST. MAARTEN

Graduashon programa alfabetisashon di adulto

PHILIPSBURG -- Den un seremonia konmovedor yená ku orguyo, determinashon i selebrashon, Hearts United Holistic Care Foundation (HUHCF) a marka e eksitoso ku terminashon di su programa di alfabetisashon di adulto pa di dos biá.

Dia 7 di mart, den medio di aplouso, 19 studiante a bisti paña blou di graduashon i stola di plata, simbolisando nan logronan i dedikashon na superashon personal.

E evento, ku a tuma lugá na John Larmonie Center na Philipsburg, tabata un testimonio di e poder transformativo di edukashon i e kompromiso inkohrente di tantu studiante komo edukadó.

E biahe di e personanan ekstraordinario akí a kuminsá na yüni 2022, momentu ku nan a embarká den un kaminda pa alfabetisashon i empoderamento. Den

transkurso di un año i mei, nan a ekshibí un determinashon, resiliensia i kreensia den nan mes sin paralelo, superando retonan i probechando e oportunidat pa mehorá nan bida atraves di edukashon.

A elogiá kada estudiante pa nan trabou duru i kompromiso, destacando e impakto profundo di nan biahe mas aleu di e simpel atkisishon di abilidadnan di lesa i skirbi.

E oradornan den e seremonia a enfatisá e berdadero esensia di alfabetisashon komo e base riba kua nos interakshonnan ku mundu ta konstruí. Mas aleu di e kapasidat pa lesa i skirbi, alfabetisá ta empoderá hende pa nabegá den bida ku konfiansa, pensamentu krítiko i abilidadnan esensial pa bida. E programa di alfabetismo di adulto, ku ta basá riba un kompromiso ku edukashon holístiko, no solamente a transformá bida di su partisipantenan,

pero tambe a kontribuí significativamente na e mehorashon di sosiedat en general.

For di su modesto komienso komo proyekto piloto te na su evolushon pa un programa integral ku ta atendé un kantidat kresiente di studiante, e programa di alfabetisashon di adulto a bira un faro di speransa i oportunidat. Pa medio di un enfoke holístiko di edukashon, studiantenan no solamente a dominá e fundamentonan di lesa i skirbi, pero tambe a atkirí abilidadnan esensial pa bida, konosementu di kòmputer, abilidadnan di pensamentu krítiko i konosementu matemátiko básiko, ekipando nan pa prosperá den e mundu aktual.

Fundamental pa e éksito di e programa, ta e maestronan dediká ku nan eksperensia i kompromiso firme ku ekselensia ta fundamental pa forma e éksito di kada studiante. Su

esfuersonan sin deskanso, impakto lo sigui resoná den no a pasa sin nota i su e añanan benidero.

Aeropuerto a presentá logronan resien

SIMPSON BAY -- Princess Juliana International Airport (PJIAE) a presentá e mehorashonnan di e proyekto di rekonstrukshon di Aeropuerto na e feria di resultado, organisá pa Banko Mundial i e fondo finansiero di Sint Maarten. E meta di e feria di resultado ta pa demostrá na diferente parti interesá e logronan di e proyekto di e fondo finansiero di Sint Maarten. E proyektonan di rekonstrukshon di Aeropuerto ta un di e proyektonan prinsipal di e fondo finansiero di Sint Maarten.

CEO di PJIAE, Brian Mingo, a kompartí den su diskurso un kronologia i un deskripshon general di e logronan resien. E ta destaká e reapertura di e sala di salida i e área di fakturashon, komo logronan importante di e proyekto di rekonstrukshon di e aeropuerto.

Aspekto importante i resultado di e proyekto di rekonstrukshon di Aeropuerto fase 1 i 2: Òktober 2023 - febrüari 2024

Na òktober 2023, PJIAE a inougurá e instalashon temporal di yegada pa tur pasahero ku yega. Dia 15 di novèmber 2023, e aeropuerto a habri su sala di salida nobo suavemente, markando un paso significativo den su kompromiso pa mehorá e servisionan i komodidatnan pa e pasaheronan.


Durante desèmber 2023, biaheronan a eksperensia un introdukshon gradual

na opshonnan limitá di tienda i restaurant den e sala di salida.

Dia 12 di yanüari 2024, PJIAE a selebrá e siguiente kambio importante den e desaroyo di e terminal nobo, reflehando e progreso supstansial lográ for di momentu ku a kuminsá ku rekonstrukshon na òktober 2021. E sala di salida nobo a habri pa risibí pasaheronan i na fin di yanüari 2024 e área di fakturashon nobo a habri pa pasaheronan di WINAIR ku tabata bula pa Saba i Sint Eustatius, loke a marka un mehorashon den e eksperensia riba tera na aeropuerto.

Na febrüari 2024, e área di fakturashon tabata disponibel pa pasaheronan di tur kompania di aviashon. E finalisashon di fase 2 di e proyekto di rekonstrukshon, a inklui 22 bali nobo di faktura, hibrido di self-service i muraya di video, huntu ku 28 kiosko nobo di self-service.

E di tres fase, ku e meta pa kompletá e sala di yegada mehorá, lo ta kla pa zomer di 2024. Na novèmber 2024, e aeropuerto lo habri ofisialmente e terminal di aeropuerto completamente renobá.



Gasolin ta subi

PHILIPSBURG -- E preis máksimo pa konsumidó di gasolin ta sigui subi i shofùrnan mester paga dieskuater sèn mas pa liter for di djaweps.

E oumento di gasolin awor ta trese e preis máksimo pa e konsumidó na NAf. 2.551 pa liter, riba e preis anterior di NAf. 2.41. Preisnan di diesel tambe a subi for di djaweps mainta,

pero no ku un oumento asina grandi kompará ku gasolin. E preis máksimo pa konsumidó di diesel awor ta NAf. 2,107 pa liter, kontra NAf. 2.086.

Preis di gasolin a subi ku 15% den e último seis siman, reversando un periodo di bahada di tarifa ku a kuminsá na fin di año pasá.

Preisnan di diesel a

subi ku 6,6% den e mesun trayekto di seis siman.

Dia 30 di yanüari e preisnan máksimo pa konsumidó di gasolin i diesel tabata NAf. 2.205 i NAf. 1.976, respèktivamente.

E gasolin tabata NAf. 2.635 pa liter dia 7 di novèmber 2023. Diesel tabata NAf. 2.453 riba e mesun dia.

KÒRSOU

Posibilidat pa beka pa estudio di meteorologia na Costa Rica

WILLEMSTAD -- Resientemente Organisashon Mundial di Meteorologia (WMO) a tene un evaluashon di estudionan meteorológiko na fakultat di fisika na Universidat di Costa Rica (UCR). Kada tantu aña OMM ta hasi bishita na e Servisio Meteorológiko Nashonal i Universidatnan den un pais pa rekonfirmá nan komo Sentro Regional

di Entrenamentu (Regional Training Center, RTC).

Generalmente, un servisio meteorológiko ta traha ku diferente Universidat i Instituto na nivel nashonal pa forma nan personal den diferente ramo di meteorologia i klimatologia.

Tumando na kuenta e nesesidat den region, WMO ta enkurashá paisnan pa pone nan fasilidatnan di

entrenamentu disponibel pa asina personal di otro paisnan den region tambe por haña entrenamentu.

Huntu ku WMO, lo pasa dor di un proseso pa apuntá e institutonan nashonal pa bira un sentro di entrenamentu regional. WMO na su turno por duna fondonan nesesario na e institutonan i beka na studiantenan ku ta bai hasi nan estudio na e sentronan

akí. Pa garantisá e kalidat di estudionan akí, WMO ta evaluá kada tantu aña e programanan di e institutonan ku ta forma e RTC. Den e kuadro akí, resientemente un delegashon na nòmber di WMO, tabata di bishita na RTC Costa Rica pa evaluá e institutonan envolví. E delegashon tabata konsistí di Paul Bugeac, kordinadó di edukashon di WMO i Albert Martis, direktor di Servisio Meteorológiko Kòrsou, den su kapasidat di representante di e pènel di desaroyo di kapasidat di konseho ehekutivo di WMO.

A hasi bishita na servisio nashonal di meteorologia, Universidat di Costa Rica i e instituto nashonal di elektrisidat komo un kliente klave. E resultado preliminar ta indiká ku e

institutonan ta mantené nan mes na e kalidat di e programa di WMO i a krea programa nobo ku ta tene kuenta ku nesesidatnan di diferente paisnan den nos region.

Den e próksimo lunanan, e proseso di aprobashon lo tuma lugá na e kantor prinsipal na Geneva pa asina por formalisá e rekonfirmashon di RTC Costa Rica. Ku e logro akí, lo hasi posibel pa empleadonan di e servisio meteorológiko den Sentro Amérika i Karibe di Kòrsou tambe por risibí beka for di WMO, pa por sigui estudio di meteorologia na Universidat di Costa Rica.

Minister Charles Cooper ta kontentu di mira e paso importante akí, mirando su importansia pa Kòrsou, spesífikamente empleadonan di Meteo.



Huurman: “Kòrsou realmente ta mi kampo di tereno di wega”

WILLEMSTAD -- Eks inspektor di salú, Jan Huurman, no ta impreshoná ku e kítika di eks Promé Minister, Ben Whiteman. Djaluna el a deklará den su programa semanal riba retnan sosial ku Huurman mester stòp su interferensia kontinuo ku Kòrsou mandando e dokumentonan presentá na e medionan. Segun e polítiko di Kòrsou, esaki tin un karakter kolonial. Whiteman a bisa: “Jan Huurman ta duna hopi atenshon na loke bo ta hasiendo. Mi sa eksaktamente kiko ta pasando i ken bo ta sostené. No laga nos sa su berdadero historia i kon el a faya komo inspektor. Tene kuenta i atvertí.”

Huurman ta skirbi: “Segun reportahe di djaluna 11 di mart den Extra i Curacao.nu, Ben Whiteman, a atvertí mi. Mi no ta permití pa trata ku Kòrsou mas, pasobra e isla akí lo no ta mi kancha di wega. Mi mester desapunt’é. Kòrsou tambe ta mi kampo di wega. Whiteman ta bisa ku desesperadamente el a tresé mi na e isla akí na 2012, pero ku lihé el a mira ku tabata un mal desishon. E echo ta ku Whiteman, ora ku ainda mi tabata inspektor general na novèmber 2012, el a skirbi un memo na e minister interino, Stanley Inderson, pa e ekstendé mi kontrakt.”

“Ora Ben Whiteman

mes a bira Minister na yanüari 2013, eksigí e kambio di e hospital nobo pa Otrobanda, el a firma mi kontrato nobo ku un sonrisa hopi personal i amplio. Sin duda lo tin algun bon imágen den e archivo.” “Whiteman ta sigui bisa ku mi no tabata interesá mas den e trabou di Inspekshon, sino mas den konstrukshon di hospital. Mi no ta nenga ku mi tabata envolví den e dosié akí for di prinsipio, pero tambe mi a pasa 99.9% di mi siman di trabou okupá den e trabou di Inspekshon na 2013. Bishita na residensianan di hende grandi, un informe riba e komplikashonnan despues di un aksidente

di buelo, lucha kontra froude i kalidat abou den redukshon di stoma, pa nombra algun kos. E afirmashon di Whiteman tambe ta bisa hopi di su memoria vasilante.”

“Ta bon pa Whiteman deseá mi e mihó den mi bida na Hulanda, pero tambe e ta sinti falta di e marka akí, mi no a haña kamer di studiante pa

hopi tèmpo. Manera ta kustumber na Kòrsou, Ben Whiteman ta sera ku un menasa. Si mi no stòp di skirbi kos tokante Kòrsou, e lo publiká e historia real. Pues, mi kerido Ben, mi ta sigui ku loke mi tabata hasi, p’esei bai dilanti. Mi ta hopi curioso pa sa kiko bo ta kere ku e storia real akí ta.”



DEPORTE

Delegashon eskolar di Aruba rumbo pa Weganan Interinsular

K R A L E N D I J K /
ORANJESTAD

-- Djaweps 14 di mart a yega na e punto di preparashon unda e selekshon eskolar di Aruba den e deportenan di aquathlon, basketbòl i futbòl, ta kla pa sali pa Boneiru pa kompetí den Weganan Interinsular 2024.

E atletanan ta entusiasma i lo kompetí kontra e selekshonnan eskolar di Boneiru i Kòrsou. E

interkambio deportivo ta kuminsá djabièrnè 15 di mart i ta terminá djasabra 16 di mart.

IBiSA ta kontentu ku e dedikashon ku e atletanan a pone pa yega na e punto akí i ta hasi un yamada na komunidat pa duna nan e apoyo nesesario durante nan partisipashon den e kompetensia di Weganan Interinsular 2024 na Boneiru.



Postulando na promé lugá

Vitesse a gana Uruguay 2-1

K R A L E N D I J K -
-E klup di futbòl di Antriol Pabou ku ta SV Vitesse, djárasen último den kontinuashon di campeonato futbòl di nos isla, a gana di SV Uruguay ku skor di 2-1 den kontinuashon di e campeonato.

E partido aki a tuma

lugá na Stadion Antonio Rincon, nos stadion nashonal.

Tabata un partido ku SV Vitesse a sali dominá e partido buskando e gol di bai den bentaha ku dos gol den promé mitar di e partido, loke tabata sufisiente pa bai ku e viktoria di 2-1 riba SV Uruguay.

Na di 18 minüt di e partido Dangemir Cicilia ra hinka e promé gol di e partido pa SV Vitesse bai den bentaha di 1-0.

Despues di esaki, pa ta eksakto na di 27 minüt di e partido Guillermo Montero ta hasi e partido 2-0 pa SV Vitesse, skor tambe ku e partido a parti na dos kuné pa sosiegu reglamentario di e partido.


E partido a parti na dos pa sosiegu ku SV Vitesse dilanti 2-0.

Den e di dos mitar di e partido, e ekipo di SV Uruguay a sali poko mas kordiná buskando e gol pa kòrta bentaha.

Esaki ta logra tambe, ora ku Ismael Thomasa na di 82 minüt di e partido, ta logra hinka e gol pa kòrta bentaha na 1-2.

Despues di esaki no tabatin novedat, e ekiponan a sigui buta basta preshon buskando mas gol pero sin resultado, sin logra yega na mas gol den e partido ku a finalisá den viktoria di 2-1 na favor di SV Vitesse ku a bai tambe ku e puntonan fo'i dje partido.

SV Vitesse ku e viktoria aki a bai na promé lugá di e campeonato.



Tene nos playanan limpi



èxtra
...number 1

www.extraboneiru.com

DEPORTE

Den seri final kampionato biliart bola-8

Mastertouch a pika dilanti 1-0

K R A L E N D I J K -E kampionnan d Mastertouch di Sabana djamars último den e promé partido seri final mihó di tres partido, a pika dilanti 1-0 den e seri final.

Mastertouch den e promé partido seri final di e kampionato, djamars último a gana di Azteca di Nort Saliña ku skor di 5-3

den un tremendo partido. Tabata Mastertouch ku a pika dilanti 1-0 den e partido djamars último, pa despues Azeca reakshoná empatá e partido 1-1.

Despues di esaki e partido a sigui pèrta den un partido ku a konosé kuater 7 bola.

Tabata sigur un tremendo partido ku e dos ekiponan buskando

e promé viktoría dje seri final papika dilanti den e plei-òf.

Tabata e kampionnan di Mastertouch buskando pa pika dilanti den e seri final, ta logra pika dilanti 1-0 den e seri ganando e promé partido 5-3.

Aki ta sigui e sètman di e promé partido djamars último.

Mastertoch - Azteca.

D. Anthony – Ch. Vos 2-0.

J. Frans - G. Serberie 0-2.

Mv Abdul – P. Semeleer 2-0.

G. Frans – C. Saragoza 1-2 ku 1 7bola.

J. Chatlein - Y. Jimenez 2-0.

R. Cicilia – V. Mercera



Eksitoso Special Olympics Walk-A-Thon a rekoudá 20.500dòler

K R A L E N D I J K – Special Olympics Walk-A-Thon tabatin un edishon eksitoso djadumingu pasá kuun entrada di mas o ménos 20.500 dòler pa benta di 1.025 karchi. E evento akí, ku ta kontribuí na un manera importante pa finansa e partisipashon na WegananNashonal 2024 na Hulanda, a bira posibel danki na e kompromiso di 53 boluntario i e apoyo generoso di

spònsernan i donantenan lokal. Bonaire Lions Club a proveé sòpi, miéntras ku suplimentu manera t-shirt,saku, outo, baño pòrtabel, bòter di awa, saku di sushi i vehíkulo di transportedi bisikleta, a keda poné disponibel grátis. Un sosten finansiero signifikante, a bini di spònsernan manera FWNB, ENNIA,KFC, Mutual Aid, Flamingo TV i Playa Trading. E evento tabata marká

pa un ambiente dushi, apesar di dos insidente den kuasiklista a kai, pero nan a haña asistencia rápidamente di Krus Kòrà.

E partisipantenan kansá por a konta ku transporte te na final ku bùsnanspesial desplegó. E promé koredónan ku a krusa e final, tabata Nozai Thomas i Richard Dek, ku lygaira Pieters komo promé siklista.



0-2 ku 2 7bola.

N. Thomas – J. Josephia 2-1.

Mx. Abdul – G. Alberto 2-1 ku 1 7bola.

Ku e resultado aki, e kampionnan di Mastertouch ta a un wega pa titulá kampion i retené e titulo.

Di otro banda, si Azteca gana djaweps i empatá e seri 1-1, djadumingu awó den oranan di mèrdia lo tin e di tres partido, e partido desisivo di kua e ganador

lo titulá kampion.

E seri final lo por finalisá awe nochi, dado kaso Azteca gana awe nochi i empatá e seri na unu.

Si Mastertouch bolbe gana awe nochi, tur kos a kaba, e seri final ta finalisá awe nochi i Mastertouch ta retené e tituló.

Éksito na e ekiponan den e seri final kampionato biliart bola-8 ku Mastertouch den bentaha di 1-0 den e seri final mihó di tres.

Ayrton ta sigui hinka gol na Hulanda

K R A L E N D I J K--E gol e siman aki, ta hóben velos delantero GOL di futbòl di nos isla, e hóben futbolista Ayrton Cicilia awó na Hulanda ku e ekipo di Zeeburgia 21, ta sigui demostrá su kalidat i nivel di hungadó i ta sigui hinka gol aya na Hulanda.

Den un partido fiin di siman pasá Zeeburgia 21 a bolbe gana, e bia aki ku skor di 3-1 di e ekipo “Be Quick”.

Ayrton den su promé

gol e siman aki, ta hinka su promé gol di e partido pa su ekipo Zeeburgia 21 empatá e partido despues di tabata tras den e partido.

Ayrton den e partido aki e la hinka dos gol.

Ayrton ta sigui demostrá su nivel di futbolista aya na Hulanda ku su ekipo Zeeburgia 21.

Nos ta deseá Ayrton tur pero tur klase di éksito den su karera aya na Hulanda.

Popularidat ta relativo

P'esei un propio estilo

No solamente pa ta eksitoso

Sino sigur mas balioso

BròKèS 93.5 FM

pokopoko pero sigur mas i mas hende ta ...

Skuch'è



Telefon/ WhatsApp +599 701 0935

www.radio935bonaire.com

DEPORTE

Nazario i Roy kla pa 4Daagse

KRALENDIJK -- Djadumingu a tuma luga walk-a-thon. Nazario semper ta partisipá na e evento. Ya pa 2 aña konsekutivo e mes tin su ruta spesial agregando 5 km. E ruta adishonal ta pasa Karpata, Gotomeer, Dospos pa yega misa di

Rincon. Un kolaboradó di e organishon a kompañá Nazario den pikòp pa keda chèk ku si tur kos ta kana bon kuné.

Nazario a duna di konosé ku e ku Roy Martines ta kla pa 4Daagse su 106 edishon ku ta tuma lugá di 16 pa 19 yùli 2024.



UNTAMED

HUNTER

POWER UNLEASHED



SERVICE & PARTS
GUARANTEED

+

3 YEAR
WARRANTY

starting
at

\$22,995



CHANGAN AUTO

dabboussi

BEST-SELLING PICKUP

f /dabboussimotors

701.6463